



AUTORSKE NOVINE Br.10 * 17. septembra/rujna 2013.

Tel : 033 205 600, telefon i faks 033 218 258 / amus@amus.ba / Obala Kulina bana 22, Sarajevo

OBAVJEŠTENJE O ISPLATI ČLANOVIMA AMUS-a

Poštovani,

Obavještavamo vas da je u toku isplata autorskih tantijema, prva od kako je AMUS dobio licencu za kolektivno ostvarivanje autorskih muzičkih prava, odnosno iza nas stoji 14 mjeseci mukotrpnog rada čije materijalne rezultate prezentiramo ove sedmice.

Shvatamo nestrpljenje autora u vezi s isplatom, ali je vrijedno i napomenuti da nije zabilježen slučaj da je nova kolektivna organizacija za muzička autorska prava izvršila isplatu u prve tri godine od dobijanja licence. Posljednji primjeri za to su turski MSG i PAM Crne Gore. AMUS je to uspio nakon 14 mjeseci i to je, na neki način i svjetski rekord.

O ISPLATI I NAČINU DISTRIBUCIJE

Što se tiče visine iznosa, ovom isplatom su obuhvaćena sredstva koja su za period do 01.07.2013. prikupljena po osnovu ugovora o emitiranju u elektronskim medijima i remitanju putem kablovskih operatera. Od bruto iznosa 820.255km umanjenog za rad Udruženja i Stručne službe u neto iznosu od 631.596 km su sredstva koja su uplaćena AMUS-u do 1.7.2013. naznačena za isplatu. Nakon što je odvojeno 20% za uplate za doprinose i porez, u isplatu našim članovima je distribuirano 505.277 km neto sredstava.

Zbog lošeg socijalnog stanja većine naših članova u prvoj isplati će svakom članu biti uplaćen iznos od 300 km a ostatak sredstava je raspodijeljen prema izvještajima izvedenih djela. Svaka slijedeća isplata će se voditi raspodjelom prema izvedenim djelima.

Sredstva koja u narednom periodu budu naplaćena za ovaj protekli period će ući u distribuciju za narednu isplatu. Dio tih sredstava očekujemo da ćemo naplatiti redovnim putem jer neke uplate kasne a dio putem sudskih nagodbi ili sudskih presuda. Pošto je u toj grupi jedan značajan broj emitera, izmedju ostalih i OBN TV, Kalman radio, NES radio, VIKOM TV, Alternativna TV, radio i TV Al Jazeera, TV1, TVSA te javni emiteri u BiH, za očekivati je da će slijedeća isplata biti uvećana jer će ubrana sredstva porasti.

Takodjer, jedan broj emitera je ugovore potpisao u period januar-mart a plaćanje je u roku od 60 dana od potpisa ugovora, tako da treba očekivati da u narednoj isplati bude i veći broj uplata od strane emitera koji su naknadno počeli sa uplatama. Naš je čvrst stav da svaki korisnik u ovoj kategoriji mora ispuniti sve svoje obaveze prema autorima muzičkih djela koja emituju.

Isto tako, naše prijave emitera Regulatornoj agenciji za komunikacije RAK su rezultiraju jednim brojem novih ugovora koji su sklopljeni u posljednjih mjesec dana, tako da je i to jedan osnov više da očekujemo uvećan priliv sredstava za naredni period.

Na našoj web-stranici je tabela s listom emitera koji imaju potpisane ugovore s AMUS-om, emitera koji izvršavaju odnosno ne izvršavaju obaveze pružene ugovorom (plaćanje naknade i dostavljanje podataka o izvedenim djelima ili onih koji redovno emituju naš promotivni radio jingle I TV spot) te emitera koji još uvijek nisu potpisali ugovor, tako da sami možete sagledati stanje sa elektronskim medijima.

PROVJERA LIČNIH PODATAKA I UPLAĆENIH SREDSTAVA

Ukoliko ne primite sredstva na svoj račun do 25.septembra, onda je potrebno da nam se obratite putem e-maila na adresu strucnasluzba@amus.ba. I pored naših napora da osiguramo provjeru ličnih podataka autora, jedan broj naših članova se nije odazvao na naše pozive ili emailove, te će uplata za njih uslijediti nakon što i ta procedura bude kompletirana. Molimo za razumijevanje da ovakve zahtjeve nije moguće riješiti putem telefona, nego da na našem webu www.amus.ba, u meniju "Obrasci za autore" ispunite obrazac "podaci o autoru" i da to pošaljete putem mail-a (strucnasluzba@amus.ba), faksa (033 218 258) ili poštom (Obala Kulina Bana 22, 71000 Sarajevo).

POJAŠNJENJA, KOMENTARI I/ILI PRIMJEDBE

Ukoliko, i pored ovih informacija i pojašnjenja, naš član ima potrebu za dodatnom komunikacijom molimo da nas kontaktira e-mailom na adresu strucnasluzba@amus.ba sa konkretnim pitanjem ili primjerom, kako bi dobio jasan odgovor ili tumačenje.

POJAŠNJENJA I KOMENTARE U VEZI S SVIMA PITANJIMA O ISPLATI ĆEMO PRIMITI odnosno odgovriti na ista ISKLJUČIVO PISMENIM putem, dakle putem e-maila ili faksa E-MAILOM, PUTEF FAKSA ILI POŠTOM I TIM PUTEF OSIGURATI ODGOVOR.

S poštovanjem,

Mirza Hajrić, generalni direktor
AMUS Stručna služba